

Carta Que Dicjin Pablo Para Ixin Chojni Que Ditticaon Jesucristo Ngain Ciudad De Filipos

De ngain cárcel rroanxin Pablo joajna para chojni ngain Filipos

¹ Janha Pablo na co Timoteo ninchehe xé Jesucristo techjaha ra joajna ngain carta jih; jaha ra xo ditticaon ra Jesucristo ngain ciudad de Filipos. Co carta jih cai para ixin cain chojni que chonda joachaxin ngayaha ra co cai para cain tti chojni que ttjenguijna nichonda joachaxin ngayaha ra, que cain chojni mé conixin jaha ra chojní Dios ixin ditticaon ra Jesucristo. ² Dios Ndodá na co Jesucristo, tti chonda cain joachaxin para ixin ján na, sinchenchaon nganji ra co rrochjá ra tti čhjoin que tsonohe ansean ra.

Pablo vanchetsenhe ñao Dios para ixin chojní Jesucristo

³ Cada ntiha que janha xaxanho jaha ra, janha danjo gracias ngain Dios de ixin jaha ra. ⁴ Co janha anto chahna are nttatsán ñao Dios para cainxin jaha ra ⁵ ixin cainxin jaha ra cjoenguijna ni ra para que janha nchao ndattjan icha chojni tti jian joajné Jesucristo desde are nacoexinxon ra hasta jaxon. ⁶ Dios coexinhi joinchehe tti jian ngain vidá ra, co janha chonda seguro que jehe

xa sinchehe tti jian mé hasta que jaha ra sintte ra joxon jian ngain nchanho que Jesucristo tsí. ⁷ Anto jiquininxin rrožaxanho jañá de ixin cain jaha ra ixin anto rinaho jaha ra ixin Dios jointtanchaon jaha ra inchin joinchenchaon na janha para tonoa na xajeho masqui janha diaxinna o masqui janha tonchián ngain xinchíxín para nttaodefendé tti jian joajné Jesucristo, co para janha ndačhjan que seguro ndoa co jian joajna mé. ⁸ Dios nohe que janha anto rinaho cain jaha ra, co mé tti joixin de ngain Jesucristo. ⁹ Janha are nttaocoanxian Dios, janha danchia que jaha ra icha sinoao chó ra co icha sinoao ra Dios cai. Co danchia que tsonoha ra quexehe cosa jian para ixin Dios co jaha ra tsinxin ra cainxin cosa mé inchin Dios ttinxin, ¹⁰ para que cain tiempo tsonoha ra tsinchiehe ra tti jian. Jamé nchao rrochonda ra ná vida roa co iżonhi cosa jianha sehe nganji ra are Jesucristo tsí. ¹¹ Jañá para que vidá ra sehe inchin ná jian cosecha ixin tecaon ra de cosa jian que danjo Jesucristo, jamé jaha ra sinchesayehe ra Dios de ixin vidá ra co vidá ra tsjago que jaha ra anto jian ditticaon ra Dios.

Pablo ndačho que para ixin jehe, Jesucristo mé tti vida

¹² Janha rinaho que jaha ra tsonoha ra que cain cosa que janha conna, cain cosa mé cjoenguijna na para que janha nichja tti jian joajné Jesucristo. ¹³ Mexinxin jai cainxin xisoldadoe xiemperador co cain icha chojni nohe na que janha rriaxinna por ixin ndattjan chojni joajné Jesucristo. ¹⁴ Co jai que janha rriaxinna, icha tsje chojni que ditticaon Jesús coexinhi na nichja na jehe joajné Dios co

xaonha na co icha tsje confianza chonda na ngain Jesucristo, tti chonda cainxin joachaxin.

¹⁵ Ján, ndoa que canxion chojni nichja na de ixin Jesucristo pero ixin tonchjoehe na nganji janha co toñaona na, pero ittoha chojni ndoa nchehe na de jian. ¹⁶ Co tti chojni que toñao co tonchjoehe nichja na de ixin Jesucristo ixin rinao na sintte na icha importante co nahi ixin jehe na rinao na Jesucristo, ixin cain jehe na rinao na que janha icha tangui tsonna jai que rriaxinna. ¹⁷ Pero ittoha na tenchehe na ixin rinao na Jesucristo co rinao na na janha ixin nohe na que nttihi rrihi janha ixin rrinttadefendé tti jian joajné Jesucristo. ¹⁸ Pero janha ndosennaha de quexeho de cayoi manera mé, ixin masqui jehe na nichja na de jian o ni nahi, pero jehe na xa nichja na de ixin Jesucristo. Mexinxin janha anto chahna.

Co janha xa rrochahna icha ¹⁹ ixin janha nona que cain tti janha tsonna, jihi atto jian para ixin janha ixin jaha ra nchetsenhe ra ñao Dios para ixin janha co ixin Espíritu Santo que rroanna Jesucristo ttjenguijna na janha. ²⁰ Janha rinaho sinttaha cain cosa jian co jamé tsosoanaha ngattoxon con Jesucristo. Janha rinaho rronichja conixin cainxin confianza inchin jaxon co para cainxin tiempo, para que icha chojni sicon na icha co icha que janha rrinttasayá Jesucristo, masqui janha rrichon o ndasenhe na. ²¹ Janha rinaho sarichon para sinttaha jeho inchin rinao Cristo, pero are ndasenhe na, mé tti sachá. ²² Pero si janha xa sarichon ngain cuerpo jihi, janha xa rrondattjan chojni tti jian joajné Jesucristo, tti chonda cain

joachaxin. Mexinxin janha ni nonaha quexehe tti tsinchiá. ²³ Para ixin janha atto tangui para tsinchiá cayoi cosa yá. Janha rrojinaho ndarroguenhe na para tsji sigarihi ngain Jesucristo, co jamé icha jian para ixin janha. ²⁴ Pero para ixin jaha ra icha jian para janha sarichon ngain cuerpo jiji. ²⁵ Co ixin janha rrihi seguro de cain jiji, janha nona que ḫa sittona nganji ra para que tsjenguijna ra para sitticaon ra icha co para que rrochaha ra icha ngain tti jaha ra ditticaon ra. ²⁶ Co ná nchanho janha rrocjan na sasotsjaha ra iná co jamé rrochonda ra icha razón para rrochaha ra de ixin Jesucristo.

²⁷ Janha rinaho que dintte ra jian ngain vidá ra inchin ttetonha joajné Jesucristo. Jamé para que si janha saso sasotsjaha ra o cjin sarihi de jaha ra, janha sayá joajna ixin cainxin ra jaha ra ḫa ditticaon ra Jesucristo co te ra inchin nacoa chojni, co nichja ra tti jian joajné Jesucristo, ²⁸ co ninchin dittoaxinha ra ḫaon ra ngain chojni que ningaconha ra. Cain jiji ná señal atto nonxin que jehe na teditján na de ixin cosa jianha que ncchehe na, pero ḫago cai que jaha ra rrochonda ra iná vida naroaxin, co cain jiji ttixin de ngain Dios. ²⁹ De ixin Jesucristo jaha ra chonda ra oportunidad jehoa de ditticaon ra jehe, ixin cai para tangui tsonha ra de ixin jehe. ³⁰ Jaha ra conixin janha tenttoho na ḫajeho ḫa de ixin joajné Jesucristo. Jaha ra ovicon ra icha saho que᠁én jointtaha ḫa mé, co jai noha ra que᠁én janha ḫa rrinttaha ḫa mé.

2

Tti nchehe Jesucristo para ixin ján na

¹ Jamé Cristo chjá ra ánimo, co chonda ra consuelo ixin jehe rinao ra, co chonda ra xajeho Espíritu Santo que jehe rroanha, co ttiaconoeha ra chojni. ² Si ndoa cain jihi chonda ra, rinao chó ra co ditticaon chó ra para que cain ra sintte ra inchin nacoa chojni, co jamé janha anto rrochahna. ³ Xonhi cosa sinchehe ra para que jaha ra sintte ra icha importante, ni ncheha ra que jaha ra icha noha ra, co xaxaonha ra que jaha ra icha jian ra que icha chojni; sino que naná ra xaxaon ra que icha chojni icha jian na que jaha ra. ⁴ Ttjeha ra tti jian jeho para ixin jaha ra; sino que ttjé ra tti jian para cain icha chojni cai.

⁵ Janha rinaho que cain jaha ra xaxaon ra inchin Jesucristo xaxaon ⁶ ixin masqui jehe cai Dios, pero joinaoha joinchegonda joachaxin que Dios chonda. ⁷ Jehe joinchegondaha joachaxin mé are jehe concijihi inchin ná xí co vehe inchin ná nchehe xa. ⁸ Co are jehe vehe ná xí, jehe vittoexin co vitticaon cain tti ndačho Dios hasta jehe ndavenhe, masqui soaxin de que jehe ndav-enxin nganito cruz. ⁹ Mexinxin Dios chjé cain joachaxin co Dios ndačho que icha importante nombré Jesús que de cainxin nombre. ¹⁰ Jamé joinchehe Dios para que cain na rrochonda na respeto are tsinhi na nombré Jesús. Co sinttet-toxin nttajochjihi cainxin tti te ngajni co cainxin tti te ngataha nontte co cainxin tti te ngain infierno ¹¹ para que cain yá rrondačho que ixin

Jesucristo, mé tti chonda cainxin joachaxin, co jamé tosayexin Dios Ndodá na.

Cain chojni que ditticaon Jesucristo inchin ná conotse que tetonguín are naxin xehe

¹² Mexinxin hermanos, inchin jaha ra vitti-caon ni ra janha cainxin tiempo are janha joar-ihí nganji ra, ditticaon ra icha jai que cjin rríhi de nganji ra. Dios ondačho que jaha ra ixonhi castigo rrochonda ra ixin ditticaon ra Jesucristo. Mexinxin cain nchanho nchehe ra jian. Co chonda ra cuidado que ncheha ra cosa jianha que Dios nchexoxinha ¹³ ixin jehe Dios tti chjá ra tti jian que xaxaon ra, co ttjenguijna ra para sinchehe ra jamé inchin jehe rinao.

¹⁴ Cain yá nchehe ra, pero toñaoha ra ni ttetoco-ha chó ra ¹⁵ para que ni ná chojni rrondačhoha que ixin jaha ra tenchehe ra cosa jianha co para que jaha ra sintte ra joxon chojni jian. Jaha ra xenhe Dios, mexinxin dintte ra jian ngayehe chojni que nchaoha nchehe. Jaha ra tonguín ra ngayehe chojni mé inchin cain conotse ngain tti naxin xehe ¹⁶ are jaha ra tsjiohe ra na tti joajna que danjo iná vida naroaxin. Jañá, para que are tsí Jesucristo janha nchao tsonona čhjoin de ixin jaha ra ixin are mé janha tsonona que tti xa que janha jointtaha jeha jamaoncoa ni coingaha jamaoncoa. ¹⁷ Co masqui janha senhe na para que cuerpona rroxettexin de tti jaha ra danjo ra ngain Dios ixin jaha ra ditticaon ra jehe, janha chahna co rinaho que cain jaha ra rrochaha ra cai. ¹⁸ Chaha jaha ra cai co chaha ra inchin janha chahna.

Tti joinchehe Timoteo co Epafroditó

¹⁹ Jesucristo, tti chonda joachaxin para ixin ján na, si jehe sino que janha rrrorroanha Timoteo, janha rrrorroanha jehe toin para siji sitsjaha ra co are jehe rrocjan, janha rrochahna are janha tsonona de ixin jaha ra. ²⁰ Ixin nttihi ixonhi iná chojni que chonda janha que rroñaxaon inchin janha, co xonhi iná chojni xaxaon de ixin queñén sintte ra jian. ²¹ Cain chojni nttihi icha rinao na jeho xé na ncuhehe na co nahi xé Jesucristo. ²² Pero jaha ra onoha ra que Timoteo jehe anto jian co cjoenguijna na janha para nichja na joajné Jesucristo inchin ná chjan que ttjenguijna xan ndodé xan. ²³ Mexinxin, janha rinaho rrrorroanha Timoteo para siji sitsjaha ra are janha tsonona quehe xaxaon chojni sinchehe nganji na nttihi tti rrihi. ²⁴ Co cai janha chonda confianza que Jesucristo, tti chonda cainxin joachaxin para ixin ján na, sanjo joachaxin para que janha mismo sasotsjaha ra.

²⁵ Pero cai xaxanho que rrogonda rrrorroanha ra Epafrodito, tti xicompañerona de ngain xá que janha rrinttaha, tti jaha ra rroanna ra para cjoenguijna na ixin jehe vachjana tti janha vagondana. ²⁶ Jehe anto rinao sicon cain jaha ra co anto jita joachjaon ixin jaha ra conoha ra que ixin jehe conihi. ²⁷ Ján, ndoa que jehe venihi hasta merocoa ndarroguenhe, pero Dios coiaconoehe jehe, co jeoha jehe coiaconoehe Dios, cai janha, para que janha icoaha icha joachjaon, jeho joachjaon que tti janha chonda jaxon. ²⁸ Mexinxin janha anto rinaho rrrorroanha jehe Epafrodito nganji ra para que jaha ra anto rrochaha ra are sicon ra iná, co

para que janha isarichinha icha. ²⁹ Dayehe ra jehe Epaafroditó čhjoin ngain ansean ra inchin xanchó ra ixin jehe co jaha ra ditticaon ra Jesucristo, tti chonda cainxin joachaxin. Co cainxin nchanho chjehe ra respeto cain chojni que ncchehe inchin jehe Epaafroditó, ³⁰ ixin merocoa ndarroguenhe por ixin jehe joinchehe xé Jesucristo. Jehe coín en peligro vidé are jehe cjoenguijna na janha ixin jaha ra mismo čhoha cjoenguijna ni ra.

3

Pablo nichja de ixin vida que jáñ jian jí

¹ Co jai janha rinaho que rrochaha ra ngain Jesucristo, tti chonda cain joachaxin. Para ixin janha, xonhi molestia si rrocjan na rrondattjo ra iná tti ocjin na ixin nona que sonda para ixin jaha ra. ² Mexinxin janha rrindattjo ra iná que ttjiho ra cuidado de cain chojni que ncchehe jianha inchin tti conia ditsi; cain chojni mé ta xohe de circuncisión ngain cuerpo para ndačho que ixin jehe mero chojní Dios. ³ Pero jáñ na tti chojni que ndoa techonda na xohe ngain ansean na ixin jáñ na tti nttoseyehe na Dios ngain ansean na co chá na ixin jáñ na chojní Jesucristo na, co chondaha na confianza ngain costumbré chojni. ⁴ Si costumbré chojni rrocojian ngattoxon con Dios, janha cai rrochonda confianza ngain cain costumbre mé. Co xonhi chojni rrochonda icha razón que janha para rrochonda confianza ngain costumbre mé. ⁵ Janha coá xohe de circuncisión are janha joarichonda jni nchanho de concjina, co janha razé chojni Israel, co janha de ngain

grupoe Benjamín, co janha chojni hebreo na de are concjina ixin jannana co ndodana cayoi na chojni hebreo na. Janha vaguitticanho ley de chojni judío inchin tjago xifariseo.⁶ Co janha anto joinao que cainxin chojni rrojinchehe na inchin costumbré chojni judío, mexinxin feo vanttaha ngain chojni que vitticaon Jesús. Co ngain vidana que janha joarichonda xonhi chojni vanichja ixin janha vaguitticaonha ley mé.⁷ Pero cain cosa jiji, are saho para ixin janha anto jian, pero jai ndačhjan que cain cosa mé xonhi xé ixin jai janha joatsoan tti mero ndoa que ttetonha Jesucristo.⁸ Co icha que yá, janha ndačhjan que cain cosa mé xonhi rentte ixin icha rentte joatsoan palabré Jesucristo, tti chonda joachaxin para ixin janha. De ixin Jesucristo janha jointtatján cainxin mé co ndačhjan que cain cosa mé inchin caxineno ixin icha rentte que janha cjan na chojní Jesucristo⁹ co rrihi conixin jehe. Icha saho janha važaxanho ixin jian na ixin vaguitticanho ley de chojni judío. Pero jai nona que jeho Dios nchao ndačho si janha jian na o ani nahi, co jehe ndoa ndačho ixin jian na pero jeho ixin ditticanho ngain Jesucristo.¹⁰ Joxon rinaho rrochonxin icha co icha de ixin Jesucristo co tsonona tti joachaxin que xechonxin are ndavenhe, co tsonona tti tangui que jehe conohe co tsonna inchin jehe conhe are ndavenhe,¹¹ para que janha nchao rrochonda confianza que jár rroxechon na conixin niondadenhe.

Pablo ndačho tti jiquininxin sinchehe ni para rrochonda ni iná vida naroaxin

¹² Jeha rročho que ixin janha ojoacha cain yá, ni jeha rročho que ixin janha ojian na, nahi, rročhoha jamé ixin janha ḫa sinttaha sigue icha ixin rinaho sarihi inchin Jesucristo rinao. ¹³ Janha mismo rrindattjo jaha ra que janha ḫa chondaha cain jiji, tti janha rrinttaha que janha rrotjañana cain cosa que ojointtaha, co jai janha sinttaha lucha para sachá tti jichonhe para ixin janha ¹⁴ para que janha tsjena ḫana co sachá tti premio que Dios que ttjen ngajni danjo nganji jána ixin dotticaon na Jesucristo.

¹⁵ Janha rinaho que cainxin ra, ḫo anto jian ttinxin ra tti dotticaon na, ḫaxaon ra ḫajeho inchin janha ḫaxanho. Pero si ná cosa rro᷇axaon ra ojé, Dios tsjagoha ra tti ndoa. ¹⁶ Pero chonda na que rro᷇axaon na co sonttoho na inchin tti ocoangui na.

¹⁷ Rinaho janha que ncchehe ra inchin janha rrinttaha, co cai ncchehe ra caso tti chojni que tenchehe inchin janha na jointtacoanha ra. ¹⁸ Janha ondattjo ra tsje ntiha, co ḫa cjan na rrindattjo ra iná hasta conixin ndacon que jai ḫa jí tsje chojni que ncchehe jianha ixin jehe na ndosenha na que Cristo ndavenxin nganito cruz para ixin jehe na. ¹⁹ Pero ngain nchanho que tsí, cain chojni mé tsji na ngain infierno para cainxin tiempo ixin dios de jehe na jeho tti rinao cuerpoa na, co tti jehe na tenchehe na tonohe na anto čhjoin co ḫaxaonha na tosoé na ixin tti jehe na tenchehe na jeho joasoaxin para ixin jehe na. Jehe na jeho ḫaxaon na ngain cosa de ngataha nontte. ²⁰ Pero jána ngajni jí nontteha na co techonhe na que de ntiha tsixin Jesucristo,

tti chonda joachaxin para ixin ján na, co jehe tti tsjenguijna na para rrochondaha na castigo de cain tti jianha que jointtoho na.²¹ Jehe tsentoxinhi cuerpoa na tehe, tti cuerpo que ndadenhe, para sayé na cuerpo inchin cuerpo que jehe chonda ngajni. Co jehe sinchehe mé conixin joachaxin que jehe chonda para ttetonhe cainxin cosa.

4

Cainxin tiempo chaha ra ngain Jesucristo

¹ Janha anto rinaho sicon jaha ra. Co janha anto chahna de ixin jaha ra co jaha ra inchin tti sacha janha de ixin ḫa que rrinttaha janha. Co rinaho que jaha ra cainxin tiempo jian sitticaon ra Jesús, tti chonda joachaxin para ixin ján na.

² Janha ntattsán ñao cayoi nčhí que dinihi Evodia co Síntique que sitticaon chó nčha inchin rrocji chó nčha ixin cayoi nčha ditticaon nčha Jesús, tti chonda joachaxin para ixin ján na. ³ Co jaha, tti xicompañerona que anto vitticaon na de ngain ḫa que janha rrinttaha, janha rinaho que jaha tsjenguijna cayoi nčhí mé ixin jehe nčha cjoenguijna na nčha janha para ndattjan chojni tti jian joajné Jesucristo, cayoi nčhí mé conixin Clemente cai co icanxin chojni que cjoenguijna na janha. Nombré cain chojni mé otetaxin ngain libroe Dios tti tetaxin nombré cain chojni que rrochonda iná vida naroaxin.

⁴ Cainxin tiempo Jesucristo jí ngain ansean ra, mexinxin janha rinaho que cainxin tiempo chaha ra ngain jehe. Rrocjan na rrondattjo ra iná: ¡Chaha ra cainxin tiempo ngain jehe tti chonda joachaxin para ixin ján na! ⁵ Janha rinaho que cain chojni

rrochonxin jaha ra ixin nda ansean ra para cain chojni ixin Jesucristo, tti chonda joachaxin para ixin ján na, otoin tsí.

⁶ Taha ra joachjaon de ni ná cosa; cainxin tiempo ndache ra Dios cainxin tti tsonohe ansean ra, co danchiehe ra cain tti sondaha ra, pero danjo ra gracias ngain jehe. ⁷ Cottimeja jehe Dios rrochjá ra tti anto čhjoin tsonohe ansean ra que ni cain chojni čhoa tsinxin ixin mé anto tsje co anto jian. Co si jaha ra chonda ra tti čhjoin que tonohe ansean ra, ḵonhi joachjaon rrochonda ansean ra ixin ditticaon ra Jesucristo.

᷂axaon ra ngain cosa jian

⁸ Co jai saho que janha tsjena carta jihi, rinaho rrondattjo ra icha. Ttenchjinha ra ngain joarrixaoan ra cain cosa ndoa, co cain cosa que jiquininixin respeto, conixin cainxin cosa que chonda jian joarrixaon, cain cosa que joxon jian, cain cosa que sincheḥoxinhi ansén chojni jian, co cain cosa que chojni nichja jian de ixin cosa mé. Jaha ra ᷂axaon ra cainxin cosa que jian co que jiquininixin tsosayehe.

⁹ Nchehe ra tti janha jointtacoanha ra. Tangui ra tti coinhi ra que ndačhjan janha co tti vicon ra jointtaha. Nchehe jaha ra cain yá co Dios, tti chjé tti čhjoin ngain ansén chojni, sehe nganji ra.

Tti joanjo chojni filipense ngain Pablo

¹⁰ Janha anto chahna ngain Jesucristo, tti chonda joachaxin para ixin ján na, ixin jaha ra ocjan ra ᷂axaon ni ra janha. Janha ndačhjanha ixin ndatjañaha ni ra jeho ixin joichondaha ra oportunidad para cjoenguijna ni ra. ¹¹ Pero jeha

ndačhjan ixin janha anto gondana ixin janha onona chahna si janha chonda tsje o tsjeha. ¹² Janha nona quexén vidé ni are noa ni, co nona quexén vidé ni are anto chonda ni. Janha tonona čhjoin ngain ansenna de ngain quexeho cosa mé; janha tonona čhjoin ngain ansenna si tsehe jicaon o jidenhe jintta, co cai are xehe cosa, co cai are našoinxon chonda. ¹³ Janha nchao tsixinna ngain cain cosa ixin Jesucristo nchesoji na janha. ¹⁴ Masqui jamé, jaha ra joinchehe ra jian ixin cjoenguijna ni ra janha de ngain cain cosa tangui que dattoa.

¹⁵ Jaha ra xo Filipo ra noha ra cai are janha sacjoixin de ngain regioen Macedonia co coexian ndattjan chojni tti jian joajna, jeho jaha ra ngain nihngo nttiha Filipos cjoenguijna ni ra janha ixin rroanna ni ra tti janha gondana. Jaha ra joinchehe ra jamé ixin chaha ra ixin janha tti jointtacoanha ra quexén sitticaon ra Jesús. ¹⁶ Are janha xa joarihi ngain Tesalónica, jaha ra rroanna ni ra tomi icha que ná nttiha para que vagondana. ¹⁷ Pero janha xaxaonha jeho ngain tti janha dayá ixin icha ri-naho que jaha ra rrochonda ra icha premio ngain Dios. ¹⁸ Janha ovayá cainxin hasta ovayá icha de tti dondana. Conixin tti jaha ra rroanna ni ra ngain Epaafroditu janha chonda tsje. Tti tomi que jaha ra rroanna ni ra, mé inchin tti tsjoca que anto čhjoin xajni que jaha ra danjo ra ngain Dios que jehe nchexoxinhi. ¹⁹ Dios que ttjen ngajni chonda cain cosa jian co rrochjá ra cain tti rrogondaha ra ixin jaha ra ditticaon ra Jesucristo. ²⁰ Co Dios Ndodá na que ttjen ngajni, incheocoanxinhi ra Ndo

cainxin tiempo! Amén.

Pablo joexin cjin carté co rroanha joajna

²¹ De ixin nombré Jesucristo chjehe ra joajnana cainxin chojni que ditticaon Dios. Chojni que ditticaon Dios que te nganji na nttihi rroanha na joajna para ixin jaha ra. ²² Cainxin chojni que te nttihi co ditticaon na Dios, co icha mero ninchehe xé xiemperador romano rroanha ra na joajna. ²³ Jesucristo, tti chonda joachaxin para ixin jáñ na, sinchenchaon cainxin jaha ra. Amén.

**Tti jian joajn   Jesucristo
New Testament in Popoloca, San Marcos Tlalcoyac  **

copyright © 1982 Wycliffe Bible Translators, Inc.

Language: San Marcos Tlalcoyac   Popoloca (Popoloca, San Marcos Tlalcoyac  )

Translation by: Wycliffe Bible Translators, Inc.

Popoloca, Tlacoayac   [pls], Mexico

Copyright Information

© 1982, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoloca, San Marcos Tlalcoyac  

© 1982, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 11 Nov 2022 from source files
dated 29 Jan 2022

a23ba35e-b016-5f67-a705-694e460cf18a